


事紀紀一郡之事也郡之事兵爲大宜載兵事中矣
茲胡以書曰事固不止於兵雖然兵之外星紀有書
職方有書財賦有書刑賞爵祿有書亦旣大書特書
不一書矣茲胡以書曰事有鉅細年有遠近傳有同
異錄其鉅而略其細舉其近而忘其遠取其同而忽
其異未免有不醇不備之憾於是博綜舊聞廣蒐軼
事沿桑之消長運會之廢興政治之沿革一一取而
筆之於書編年仿諸春秋發明衷於綱目其事則連
以相及其文則信而有徵所云考鏡得失之林者是



耶非耶顧吾聞之當身之事或聞或見萬不識一目
前之事或存或廢千不識一今以弁陋之才而欲藉
一人之耳目遠紹旁蒐於千百餘年之久此則區區
之心所不敢自信者網羅散失以匡我不逮是所望
於博物君子矣志事紀

正定府志卷之五

事紀上

虞

周

秦

漢

晉

宋

五代

虞

帝舜八十一載分衛水以西爲并州

晉書

書恒衛旣從顏師古曰恒水出恒山衛水在靈壽

周

穆王里圃田之路東至於房

路史

房卽房子漢置房子縣屬常山郡通鑑集覽云正定平山縣有房山按今爲贊皇地

癸丑至房子登嶺山獵於鉏山之西河王至陞山之隧

升於三道之磴

穆天子傳

按括地志嶺山即贊皇山銅山即陘山

景王十五年

昭公十二年

晉入昔陽秋八月襲肥滅之冬伐

鮮虞

左傳互見兵事

文獻通考肥白狄也鉅鹿下曲陽縣西有肥累城昔陽肥國都鮮虞白狄別種在中山新市縣按劉昫謂昔陽即鼓都在鮮虞東南二說不同考唐書地理志劉說較長詳見古蹟

十八年

昭公十五年

秋晉荀吳帥師伐鮮虞圍鼓克之

左傳詳丘

事

文獻通考鼓白狄別種鉅鹿下曲陽有鼓聚春秋傳說今藁城西南有昔陽亭水經注謂之鼓聚與新樂地肥為藁城鼓今晉州云按一統志鮮虞即新

昭公二十五年

昭公二十二年

晉荀吳襲鼓滅之

左傳詳兵事

敬王十三年

定公三年

秋鮮虞人敗晉師於平中

左傳互見兵事

十四年

定公四年

晉士鞅衛孔圉帥師伐鮮虞

春秋互見兵事

十五年

定公五年

冬晉士鞅帥師伐鮮虞

春秋互見兵事

二十三年

定公十三年

晉趙毋卹獲寶符於恒山

左傳

趙簡子盡召諸子與語曰吾藏寶符於恒山先得者賞諸子馳之恒山上求無所得毋卹還曰已得符矣從恒山臨代代可取也簡子於是知毋卹賢廢太子伯魯以毋卹為太子後

二十九年

哀公四年

冬十月荀寅奔鮮虞

左傳

十二月齊國夏伐晉取欒郛會鮮虞納荀寅於栢人

左傳

互見

兵事

按一統志欒卽欒城郛為高邑而趙州栢鄉贊皇亦為郛地

三十一年

哀公六年

晉趙鞅帥師伐鮮虞

春秋互見兵事

威烈王二十一年番吾君自代來趙

史記

括地志故城在鎮州房山縣東二十里

二十三年魏李克治中山苦陘吏上計而入多免之

史記

魏斯以李克為中山相苦陘吏上計而入多克曰語言辨聽之說不度於義謂之寤言無山林澤谷之利而人多者謂之寤貨君子不聽寤言不受寤貨子姑免矣
按一統志苦陘無極古縣名

安王二十一年趙取魏棘蒲

史記互見兵事

正義番音蒲字亦作蒲古番吾君地春秋晉之蒲邑也
按番吾即今平山縣

二十五年趙與中山戰於房子

史記詳兵事

赧王六年趙武靈王出九門為野臺以望中山之境

史記

九門即藁城所析括地志野臺一名義臺在新樂西南

八年趙畧中山至房子

史記詳
兵事

十年趙取鄣石邑封龍東垣中山割地以和

史記詳
兵事

秦於正定置東垣縣漢時石邑屬常山
郡今獲鹿境封龍元氏地也鄣見前

二十年趙滅中山起靈壽北歸大赦酺五日

史記互
見兵事

按綱目起靈壽者猶左氏傳晉
起南陽之起言始擴地至此也

二十四年趙城南行唐

史記

戰國時行唐爲中山東垣
地後併於趙改南行唐

三十二年趙取齊昔陽

史記互
見兵事

四十年趙拔魏房子

史記互
見兵事

四十四年趙罷城北九門大城

史記互見兵事

秦

秦昭襄王五十二年

趙孝成王十一年

城元氏

史記

趙公子元封邑卽以名之

始皇十四年

趙幽繆王三年

秦攻宜安趙李牧帥師却之封武

安君

史記互見兵事

按宜安戰國時藁城地隋義寧初置縣卽此括地志故城在藁城西南

十五年秦攻番吾趙李牧却之

史記互見兵事

次年地震又次年民饑謠曰趙爲號秦爲笑以爲不信視地之生毛

十八年秦伐趙下井陘趙殺其大將軍李牧

史記詳兵事

二十六年分天下爲三十六郡以常山隸鉅鹿

史記

二十七年帝崩於沙邱輜涼車從井陘西歸

史記

二世元年趙畧太原秦兵阻於井陘

漢書詳
兵事

二年秦圍趙張耳以趙王歇走鉅鹿陳餘收常山兵救

之

史記詳
兵事

漢

漢王元年冬十月陳餘擊常山破之

史記詳
兵事

二年曹參虜魏王豹於東垣

漢書互
見兵事

三年韓信下趙井陘斬陳餘擒趙王歇

漢書詳
兵事

一統志通志郡邑志皆以草山卽今獲鹿之抱犢山而漢書注如淳曰草音蔽依山自覆蔽也師古曰蔽

隱手山間使敵不見史記索隱亦云隱山自蔽勿令
趙軍知則知葦原非山名今謂後人因此名之亦可

冬十一月置恒山郡治元氏

漢書

四年封張耳爲趙王以張蒼爲常山守相趙

蒼傳

蒼好書明習天下圖籍

尤善律歷爲漢名相

高帝七年十二月帝自東垣過趙納趙王敖美人

淮南厲王

傳

上過趙王執子婿禮甚恭上不爲禮納王之美人在

定趙女也幸有身卽淮南厲王趙王不敢內宮爲策

外官

舍之

八年帝擊韓王信條寇於東垣復從東垣過趙

漢書

八年趙相貫高等耻帝遇趙王無禮遂有相人之謀
帝不宿而去後怨家告之乃逮趙王及諸反者下獄

淮南王亦繫告吏曰曰得上幸有子吏以聞上方怒
趙未及焉王母患自殺吏奉王詣上上悔詔於正定
葬其母

十年代相陳豨反掠常山

帝紀互見兵事

秋九月趙相周昌請誅常山守尉不聽漢書

陳豨反常山亡二十城周昌請誅守尉上曰是力不足亡罪仍以爲守尉

十一年冬十月陳豨將趙利守東垣帝拔之更名正定

漢書詳

兵事

括地志九年葬淮南王母於正定尚屬地名此則正定名縣之始

十一月封靈壽樂叔於樂鄉號華成君史記

帝訪樂毅後得樂叔遂封之

十二月樊噲會縣商擊陳豨定常山清河凡二十七縣樊噲傳

七年改恒山郡爲恒山國

呂后紀

文帝元年改恒山爲常山省郡屬趙國

漢書

避帝名改之

夏五月詔正定爲南粵王佗先人置守塚歲時奉祀官

其從昆弟

史記

趙佗稱帝於粵帝卽位使陸賈宣諭德意佗奉詔去帝號奉貢職

秋封故常山相蔡兼爲樊侯

帝紀

常山王朝以非孝惠子誅兼其故相也封之
久年令列侯並之國爲吏及詔止者遣其子

景帝元年趙王有罪削常山郡

漢書

晁錯奏削諸侯枝郡竇嬰爭之不克遂削趙常山并削齊楚七國怨皆反

五年立皇子舜爲常山王復置常山國

本紀

武帝元鼎三年常山王舜薨太子勃嗣遣大行騫治常

山獄

漢常山王傳

舜王后修生太子勃其不愛姬生稅王薨勃嗣不卹稅稅怨之漢使者視王喪稅言王疾后及太子不侍及薨六日出舍並發勃居喪姦私諸罪乃使大行騫驗問逮諸證者勃又匿之遂廢王后修徙勃以家屬處房陵

國除

冬十月漢廣關以常山爲阻

史紀

四年復封常山王子平爲正定王析置正定國治正定

縣以常山為郡漢書

常山王於天子為最親既廢詔封幼子平析正定綿蔓藁城肥累四縣為正定國而平山不屬侯封於是

五嶽皆為天子之邦

按一統志綿蔓即獲鹿肥累見前

元封五年初置冀州刺史領常山九郡漢書

冀州部漢初無常官但遣丞相史分刺至是始置刺史

天漢三年帝東巡還祀常山史記

上既幸泰山修封禪禮還過常山祀之時方士之候神人求蓬萊者終無驗天子益怠厭矣然終羈縻不絕冀遇其真

成帝建始四年中山孝王西樂城成漢書

馮昭儀隨王就國王爲母建宮於樂里在西鄉因呼爲西樂城

新莽建國元年正定劉都等謀起義莽殺之

莽傳互見兵事

平帝元始元年秋九月以中山苦陘縣爲中山孝王后

湯沐邑

漢書

平帝爲中山孝王子王莽立之帝母衛姬拜爲中山孝王后莽懷不軌隔絕衛氏留中山后日夜泣思見帝面并上書求至京師莽白太后以苦陘加湯沐邑卒不得至元始三年衛氏族滅惟后存

更始元年冬十月大司馬秀以邳彤爲下曲陽守

光武紀互

見兵事

秀發邯鄲趨正定形以其地降故有是命

二年春正月大司馬秀自下曲陽渡滹沱河命鄧晨仍

歸常山漢書

常山守鄧晨問道至秀曰晨以一身從我不如以一郡為我北道主人乃遣歸

二月正定王楊來降漢書詳兵事下同

三月王郎救鉅鹿大司馬秀逆戰於南樂敗之漢書

按南樂即樂城也

鄧禹等攻樂陽藁肥纍拔之漢書

按地節二年封趙頃王子說為樂陽侯即此在獲鹿縣東北藁今藁城也

光武帝建武元年春正月帝連破尤來大槍五幡於元

氏漢書詳兵事下同

都護將軍賈復破青犢於射犬追戰於正定之犍鄉漢書

元和志捷鄉卽正定縣北故權城

二月都護將軍賈復與賊帥五校戰於正定大破之漢書

二年正定王劉楊謀反伏誅漢書

楊造識記曰赤丸之後瘦楊爲主楊病瘦欲以惑衆又與綿蔓賊通帝徵之不出乃遣前將軍耿純持節行冀州所過慰勞密勅收楊純至正定以計誅之帝憐楊謀未發而誅封其子德仍王正定

四年夏四月大司馬吳漢擊五校於臨平破之綱目互見兵事

漢書注舊城在定州鼓城縣東南

五月帝征彭寵次元氏皇子莊生漢書

后從帝征彭寵至元氏生明帝於傳舍

九年詔朱祐屯兵南行唐禦匈奴朱祐傳互見兵事